

明
清
史
料

丙編

第七本



(96356·107)

明 清 史 料

丙 編

十 本

版權所有 翻印必究

中華民國二十五年十一月初版

全部連布實價國幣玖元
第七本實價國幣玖角
外埠酌加運費匯費

編輯者

國立中央研究院
歷史語言研究所

發行人

王 雲 五
上海河南路

印刷所

商務印書館
上海河南路

發行所

商務印書館
上海及各埠

平

明清史料目錄

丙編第七本

六百零一至七百葉

兩廣提督李成棟揭帖

六〇一

江西巡撫章于天揭帖

六〇六

兵部揭帖

六〇二

陝西寧夏總兵劉芳名揭帖

六〇七

登萊巡撫朱國柱殘揭帖

六〇三

吏科給事中杭齊蘇題本

六〇八

湖川總督羅繡錦揭帖

六〇五

兩廣總督修養甲題本

六〇九

湖川總督羅繡錦揭帖

六〇六

安徽巡撫李棲鳳揭帖

六一〇

湖廣巡撫高士俊揭帖

六〇七

江西提督金聲桓揭帖

六一一

湖南巡按張懋燾揭帖

六〇八

山東巡撫張儒秀揭帖

六一二

河南巡撫吳景道塘報

六〇九

山西巡撫祝世昌揭帖

六一三

山東巡撫張儒秀揭帖

六一〇

江西巡撫章于天揭帖

六一四

刑部題本

六一一

湖川總督羅繡錦揭帖

六一五

鄖陽撫治趙兆麟揭帖

六一二

山東巡撫張儒秀揭帖

六一六

湖川總督羅繡錦揭帖

六一四

鄖陽撫治趙兆麟揭帖

六一七

湖川總督羅繡錦揭帖

六一五

山東巡撫張儒秀揭帖

六一八

鳳陽巡撫陳之龍揭帖

三三

署四川南叙府總兵馬化豹塘報

五二

湖北巡按曹叶卜揭帖

三三

戶部殘題本

五三

江西巡撫章于天揭帖

三三

山東巡撫張儒秀揭帖

五四

江西巡撫章于天揭帖

三五

山東巡撫張儒秀題本

五五

南贛總兵柯永盛題本

三七

湖廣提督柯永盛揭帖

五七

兩廣總督佟養甲揭帖

三九

湖川總督羅繡錦揭帖

五七

江西巡撫章于天揭帖

四一

平西王揭帖

五八

江西巡撫章于天揭帖

四二

河南巡撫吳景道殘題本

五九

江西巡撫章于天揭帖

四三

江南總督馬國柱題本

六一

山東巡撫張儒秀揭帖

四四

陝西巡撫黃爾性塘報

六二

山東巡撫張儒秀揭帖

四四

湖廣提督柯永盛揭帖

六三

陝西巡撫黃爾性塘報

四七

陝西巡撫黃爾性塘報

六四

江西巡撫章于天揭帖

四八

南逆軒開禧殘件

六五

山東巡撫張儒秀揭帖

四九

四川巡撫李國英揭帖

六六

湖川總督羅繡錦揭帖

五〇

偏沅巡撫線縉題本

六七

陝西巡按劉明侯揭帖

六八

陝西興安總兵任珍揭帖

六九

偏沅巡撫線縉題本

七〇

陝西興安總兵任珍塘報

七一

偏沅巡撫線縉揭帖

七三

江南上江巡視御史潘朝選揭帖

七四

陝西巡撫黃爾性揭帖

七五

禮部手本

七六

兵科左給事中郝璧揭帖

七七

禮部手本

七八

禮部手本

七九

禮部手本

八〇

陝甘巡按王世功揭帖

八一

湖南巡按吳達揭帖

八二

寧夏巡撫李鑑揭帖

八三

禮部手本

八五

陝西巡撫黃爾性揭帖

八六

江西巡按王志佐揭帖

八七

湖北巡按王守履揭帖

八八

偏沅巡撫線縉揭帖

八九

四川巡撫李國英揭帖

九〇

陝西三邊總督孟喬芳揭帖

九一

山西巡撫祝世昌題本

九三

河南巡按李若琛塘報

九四

河道總督楊方輿揭帖

九五

刑部殘題稿

九六

明清史料

丙編第七本

六百零一至七百葉

兩廣提督李成棟揭帖

順治四年七月二十六日到本揭對同

提督兩廣軍務總兵官都督同知李成棟爲東粵地闊兵單戰守不足伏祈聖鑒量增兵馬以資防禦以固封疆事職以庸菲蒙聖恩簡畀吳淞節奉貝勒令諭隨征入閩底定邵汀去年十一月復奉貝勒委職提督兩廣軍務勦撫廣東凡職身所到誓捐頂踵仰答高深整擷星馳衝堅克敵馮藉天威廣東十府業俱奠安所有恢撫情形經職拜疏入告惟是東粵隸籍要荒所屬十府東西南北提封數千里卽省會新舊二城五方雜處人情叵測最難防禦環山枕海風稱天險外通倭夷內偪猺獞北連楚界烽火震隣西擁永曆日尋干戈至於綠林白浪遍地豺狼無處不告急無刻不稱兵職日事剿撫寢處不遑在職何敢言勞但地方之衝險如此兵馬之支吾如彼有不得不爲□上陳者蓋職所統原部北來官兵吳淞舊額四千一百三十一員名及入閩所帶未食糧者除職啓過貝勒湊足五千之數隨職征勦其原額馬騾五百匹頭馬兵三百名沿途歷浙抵閩以及入廣萬里馳驅衝鋒破敵險阻備嘗病故及陣亡者人馬損失已過半矣卽募補土著之兵皆非慣戰之旅十不當一所仗東西征勦只此寥寥北兵雖各府鎮守官兵蒙貝勒原發職帶來者每府七八百名不等俱係閩地土著之衆脆弱不堪無資戰守職與督臣修養甲議以每府鎮酌加至二千名有加至一千四百名者分派地方尙不足用而山海逆孽窺我虛實所在竊發動稱數萬少者不下數千山川旣以邈綿賊窟分頭盤踞職所提調止北來現在兵馬合爲之剿未免顧此失彼之虞分爲之殲不無勢散力單之慮雖

職兵馬所到莫不滅此朝食而鞭長不及蠶涌蟻屯隨剪隨生如秋庭掃葉無他坐兵馬之少故也土著兵曾不足特再四圖維粵非產馬之地欲買無措強兵出自西北招募未奉明旨何敢擅行惟有請益北方兵馬分撥剪芟海邦遐服始克永寧耳至於盜甲器械敵損者半職自梧州追捕永曆奪獲鹽船數隻職與督臣商之將前鹽變價鳩工製造以應急需獨是北兵戰馬難於猝得南北相距數千里往返輒至半年安可一呼而遽集也伏乞皇上軫念封疆爲重於江北平定地方酌發馬騎千餘步兵一二千前來俾職以資臂指庶已定之地方免駑靡之虞而職犬馬之報少道罪戾於將來矣爲此除具本差官齎題外理合具揭須至揭帖者順治四年五月二十五日總兵官都督同知李成棟

明 清 史 稿

內 閣 奏 本

大 百 卷 一 至 十 百 卷

兵部揭帖 順治四年六月十四日到本揭對同

兵部題爲塘報緊急賊情事准登萊巡撫楊聲遠咨前事奉聖旨本內說賊首謝謙將高苑縣百姓照冊點名該道府官何不預行覺察併失事情形兵部確察具奏欽北密封到部該職等看得高苑失事謝遷偪取鄉保姓名查照上幫該縣塘報又中途被遷截去故道府無從覺察然平日之陳防亦不得盡諉之未見塘報也道府文職應聽吏部議奏鄭伯真以暗青失利已經叅處查此案失事情形伯真督兵轉戰而縱賊入城以至備極慘殺應併審從重歸結既經咨覆前來相應題請除具題外理合具揭須至揭帖者順治四年六月日

登萊巡撫朱國柱殘揭帖

順治四年六月二十二日到本揭對同

欽差巡撫登萊青東江等處地方贊理軍務兼管糧餉都察院右副都御史朱國柱爲塘報青境賊情并官兵征勦緣由仰祈聖鑒事職于蒞任之後節據青州道李三元將官鄭伯真等塘報青州西南暗青山一帶與昌樂臨朐沂水高苑等縣境內賊寇出沒不常劫搶時聞職隨一面檄行道臣李三元并在青駐防登州陸左營遊擊馮武卿萊州營遊擊李士元與青州營都司鄭伯真各統所部兵馬探賊向往相機擒勦一面嚴飭所屬州縣防守城池務保無虞去後間有零星斬獲之功職謂賊羽稍剪賊氛可滅不期賊謀狡黠倚恃山險據爲巢窟兵至則匿潛穴處兵退則肆行搶掠突于五月十七日先以馬步賊數十名在臨朐縣五井集傅家樓焚劫當被防守該縣登州陸右營把總許三益同典史賀弘禎統領兵丁二百餘名向彼追勦賊隨逃遁于家莊接戰良久斬獲賊衆甚多孰意狡賊先已調援潛伏陡出步賊千餘馬賊百餘將官兵圍困四面受敵以致藥盡兵疲傷亡兵丁六十一名等情于二十二日據該道塘報到職職正在登州料理船隻嚴飭海防忽接此報不遑他顧隨親統親丁材官及各營有馬官丁星夜介馬西馳于二十四日途次黃山館驛據遊擊馮武卿李士元并膠鎮將官韓啓元趙國祥青州營中軍守備楊奎光塘報內稱職等公議二十日各統兵馬進山征勦一自臨朐縣西南進山由傅家峪截發一自臨朐縣由北抵西進山截發到滴水張莊突聞山頭放砲滿山吶喊官丁踴躍奔追至盛峪口忽沿山豎列旗鎗拋放矢石誘我兵丁分頭蜂擁冲擊職等居中調度隨令膠鎮中左兩營千把總張思選等材官張文禮等登鎮標左兩營千把總劉應登等萊營把總杜凌霄等青營把總王守福等各統兵馬迎頭截擊兩下火砲齊發鏖戰夾攻自已至酉賊始潰敗各攘命趨搶山頭賊被砲打鎗

刺箭射死者不計其數當陣活捉賊七名方收兵安營查驗得獲馬匹器械併中傷兵丁賊又在四下山頭放砲拋石射箭不啻如雨環擊我營職等夜戰恐留活賊在營不便當時在營外將前獲七賊斬訖官兵奮勇往前用命奪山至四鼓一夜連戰七次賊始披靡大敗乘宵竄山奔逃待至天明焚燒賊寨收兵回營計驗得各營陣獲馬三匹內箭傷一匹大砲二位鳥鎗一杆三眼鎗八杆長鎗三十七杆鷹翎刀一把腰刀五口弓一張鉛子一斤火藥一小簍藥信二十二根重傷兵丁楊得功等八名輕傷兵丁馬躍龍等十三名等情塘報到職據此職仍統兵前行于二十八日至昌樂縣據青州道塘報准遊擊馮武卿報稱于二十三日又領兵馬赴昌樂縣撲滅搶劫丁家莊強賊到彼即帶原防昌樂縣院標千總焦壠至高周二莊捉獲活賊趙尙賓等十一名賊妻二口三眼鎗四杆刀二口長槍十杆塘報到職職于二十九日抵青州次早六月初一日職一面諭令道府縣選差能幹員役分投各處偵探賊情以便進兵一面巡閱城頭正與道府諸臣商酌兵機進剿事宜忽據益都縣中平社義勇徐太等稟報本地方居民徐必興家白晝有強賊一百餘人闖家劫搶等情據此職隨將跟隨左右見在職標營中軍馬雲程登州道中軍李維祚萊州道千總馬驥并職長隨官鄭藩周帶領家丁同青州道副使李三元率領青標兩營官丁卽刻啓行擒剿去後于初二日據該道塘報內稱職卽當發青營中軍守備楊奎光標營中軍陳登雲千總王臣把總王永臣趙法鄭國卿帶領馬兵并標下材官郭承璽等至徐家集而賊已遠遁職督令官兵覓踪追至香山漫河當有逆賊百餘人遂卽列陣與官兵拒敵我兵奮勇衝擊而賊卽潰散當陣斬獲四十餘賊復整兵追勦間蒙本院標營中軍馬雲程等帶領兵馬亦至同我官兵追至賊巢劉家坊地方尙有餘賊五六十人賊巢又出四五十人接戰我兵奮力攻擊賊復潰敗潛入莊內官兵四面圍攻

當時殺死逆賊二十餘人發火焚死不計其數捉獲活賊一名劉小山綿甲一副驢十五頭白布四十四疋黃絹半疋衣七件又捉賊巢住人劉思功并婦女七口中傷兵丁王文耀等六名等情據此又據高苑縣報稱有馬步夥賊在新城縣地方時常往來逼近高苑隨檄各營將領由東南進山（下缺）

湖川總督羅繡錦揭帖 順治四年七月十四日到本揭對同

欽差總督湖廣四川等處地方軍務兼理糧餉兵部右侍郎兼都察院右副都御史羅繡錦爲酌地立鎮以固封疆事
順治四年六月十五日承准恭順王咨內開本藩奉簡平南水陸並進到一處卽看一處山川之險易駐一地卽思一
地水陸之冲夷然湖南陸府而至冲至要莫踰於衡州也蓋衡州之地言水則大江之止處小河之會口言陸則兩廣
之咽喉諸商之聚處自祁陽而上永州乃達廣西之通道自永州而至宜章乃通廣東之要路如由祁陽而入武岡又
近諸邊之土司照今賊氛未靖粵西尙爲狡穴倘回顧長沙則陸程有四百里之遙如遇陰雨則泥深尺許路容一騎
則長沙與衡州誠鞭長而不及者也如問水程則逆流而上俟風方行更不可以日期定也如得一地而不酌一地之
經久雖得亦如不得矣是以本藩喚集部官再四斟酌則衡州乃不可緩視者耳及照經制則辰立一鎮長立一鎮則
辰之居邊以備各土司之反側則長之居腹當應衡永之烽烟殊不知長鎮只可守長沙十一州縣之地則長而外不
復可他鎮矣今本藩將經制內遊擊賈世威額兵四百名隨征遊擊唐銓兵六百名將黃朝宣名下歸降兵二千名額
計三千兵丁立鎮一員上顧永粵逆賊之狂逞東顧攸縣安仁未定之民心西顧桂陽臨藍達諸邊之小路使水陸之
商安心托足反側之賊消雄落膽將兵部開送隨征總兵官徐大受鎮守之副將王世雍遊擊唐銓賈世威協鎮之再
立中軍郭如辰旗鼓胡國瑞以壯威武然立一官當議一官之俸立一兵則議一兵之糧今本藩在衡則官兵概爲設
處甘苦共茹固無他議日後本藩統兵前勦則衡鎮之糧得無當目束手乎合無照長辰二鎮兵餉則三鎮一視庶官
兵不至枵腹而禦侮可作長城矣自七月初一日起議定楚省之糧餉同長辰概發一面希爲題知以便作正開銷也

俟湖南全定本藩面闕則衡鎮之或撤或留又當爲皇上面陳耳等因到職該職看得楚衡爲湖南要冲立鎮於彼誠善後良舉也王咨之述備矣職不敢復贅至于糧餉以七月初一日起同長辰概發但開銷一節該鎮額兵三千內除賈世威四百名原係經制在衡不計外寔多兵二千六百名即多二千六百名之餉楚賦原不足額猶須設湊是不得不開報明悉以便日後之奏銷也事干添設兵餉相應具題伏乞聖鑒勅部議覆行職遵奉施行爲此除具題外理合具揭須至揭帖者右具揭帖順治四年六月日兵部右侍郎兼右副都御史羅繡錦

奏爲湖南全定本藩面闕則衡鎮之或撤或留又當爲皇上面陳耳等因到職該職看得楚衡爲湖南要冲立鎮於彼誠善後良舉也王咨之述備矣職不敢復贅至于糧餉以七月初一日起同長辰概發但開銷一節該鎮額兵三千內除賈世威四百名原係經制在衡不計外寔多兵二千六百名即多二千六百名之餉楚賦原不足額猶須設湊是不得不開報明悉以便日後之奏銷也事干添設兵餉相應具題伏乞聖鑒勅部議覆行職遵奉施行爲此除具題外理合具揭須至揭帖者右具揭帖順治四年六月日兵部右侍郎兼右副都御史羅繡錦

湖川總督羅繡錦揭帖 順治四年七月十四日到本揭對同羅繡錦請兵

欽差總督湖廣四川等處地方軍務兼理糧餉兵部右侍郎兼都察院右副都御史羅繡錦爲急報賊情請乞速發大兵事案照逆賊王光太等踞鄖抗敵提督鎮臣孫定遼輕身被陷業已於六月二十二日塘報兵部矣隨經移會治臣潘士良并檄各將收集殘兵相機堵禦去後於本月二十六日據提督前營中軍守備李春元報稱本月初九日卑職隨孫提督劄營安陽口於十一日辰時賊知我兵未齊水旱五路蜂擁前來孫提督帶兵衝殺不意水路賊舡百餘隻裝載砲火向營衝打東北二山白藍旗賊五千餘一齊飛擁入營攻打孫提督李副將並無下落卑職帶傷奔襲等因又據分守荆西道石鳳臺稟報賊馬約有二千賊兵約有萬人且勾連一隻虎謀肆東犯水賊羅姓另立旗號并土賊三千餘人情勢洶洶非急請滿兵恐成燎原等因到職該職看得逆賊倚恃山險攔命抗敵且失我重帥傷我驍員勾連一隻虎賊衆屢經見告職因報未確不敢上聞今該道備稟前來其爲的情無疑矣况武漢民心聞定遼敗績之後風鶴驟驚若不急請大兵民何安堵職雖酌量地方緩急移兵往應以之備禦尤虞未周也伏乞聖明亟發大兵星馳征進併嚴勅秦豫督撫厚兵協勦庶逆賊可除即楚屬西北之餘氛併可底定矣勢急情急（疑衍）追統乞鑒照施行爲此除具題外理合具揭須至揭帖者右具揭帖順治四年六月日兵部右侍郎兼右副都御史羅繡錦

